

## Hati Anak-anak akan Berbalik

Oleh Elder David A. Bednar

Dari Kuorum Dua Belas Rasul

Ketika kita menyelidiki, belajar, dan menjalani injil Yesus Kristus, urutannya kerap kali dapat mengajar sesuatu. Fikirkanlah, sebagai contoh, pelajaran-pelajaran yang kita belajar mengenai keutamaan-keutamaan rohani dari urutan peristiwa-peristiwa besar yang berlaku bila keseluruhan injil Juruselamat dipulihkan semasa zaman akhir ini.

Di Sacred Grove, Joseph Smith melihat dan bercakap dengan Bapa yang Abadi dan Yesus Kristus. Antara hal-hal yang lain, Joseph belajar tentang watak yang benar Kesatuan Ketuhanan dan tentang wahyu yang berterusan. Penglihatan yang menakjubkan ini memulakan “zaman kegenapan keagamaan” dan merupakan salah satu dari peristiwa-peristiwa yang amat penting dalam sejarah dunia.

Tiga tahun kemudian, sebagai jawaban untuk doa yang bersungguh-sungguh pada malam 21 September, 1823, bilik Joseph dipenuhi dengan cahaya hingga biliknya “lebih terang daripada waktu siang hari.” Seorang muncul di sebelah katilnya, memanggil budak itu dengan namanya dan mengisytiharkan bahawa “dia adalah utusan yang diutus dari hadirat Tuhan...dan bahawa namanya adalah Moroni.” Dia mengajar Joseph tentang kedatangan Kitab Mormon. Lalu Moroni memetik dari buku Maleakhi dalam Perjanjian Lama, dengan sedikit saja perbezaan dari bahasa yang digunakan dalam versi Raja Yohanes: “Lihatlah, Aku akan menyatakan kepadamu Imamat, oleh tangan nabi Elia, sebelum datangnya hari Tuhan yang besar dan dahsyat itu...

“Maka diapun akan menanamkan di dalam hati anak-anak janji-janji yang telah dibuat kepada para bapa, dan hati anak-anak itu akan berbalik kepada bapa mereka. Jika hal ini tidak demikian, seluruh bumi akan dimusnahkan sama sekali pada waktu kedatanganNya.”

Ajaran Moroni kepada nabi yang muda itu pada dasarnya termasuklah dua tema utama: (1) Kitab Mormon dan (2) kata-kata Maleakhi meramalkan peranan Elia dalam Pemulihan “segala sesuatu, seperti yang difirmankan Tuhan dengan perantaraan nabi-nabiNya yang kudus di zaman dahulu.” Jadi, peristiwa-peristiwa permulaan Pemulihan mengungkapkan kefahaman Kesatuan Ketuhanan yang betul, menekankan kepentingan Kitab Mormon, dan menjangkakan pekerjaan penyelamatan dan kemuliaan baik untuk orang yang hidup mahupun untuk orang yang sudah meninggal. Urusan yang mengilhami ini mengajar tentang perkara-perkara rohani yang terpenting bagi Tuhan.

Mesej saya memfokuskan pekerjaan dan Roh Elia yang diramalkan oleh Moroni dalam ajarannya pertama kepada Joseph Smith. Saya berdoa dengan sungguh untuk bantuan Roh Kudus.

### Pelayanan Elia

Elia adalah nabi Perjanjian Lama yang melaluinya keajaiban-keajaiban yang berkuasa dilakukan. Dia menutupi langit dan tidak ada hujan di Israel purba selama tiga setengah tahun. Dia memperbanyakkan mil dan minyak balu. Dia membangkitkan seorang budak lelaki dari kematian, dan dia menyuruh api turun dari syurga dalam cabaran kepada para nabi Baal. Pada akhir pelayanan Elia yang fana, dia “naik ke syurga dalam angin badai” dan dia terangkat.

“Kita belajar dari wahyu-wahyu zaman akhir bahawa Elia mempunyai kuasa pemeteraian Imamat Melkisedek dan merupakan nabi terakhir yang mempunyainya sebelum Yesus Kristus.” Nabi Joseph Smith menjelaskan, “Roh, kuasa, dan panggilan Elia adalah bahawa kamu mempunyai kuasa kunci kegenapan Imamat Melkisedek...; dan untuk...mendapat...semua tata cara injil yang tergolong kepada kerajaan Tuhan.” Kuasa pemeteraian yang suci ini adalah amat penting untuk tata cara-tata cara injil menjadi sah dan terikat baik di bumi mahupun di syurga.

Elia muncul dengan Musa di Gunung Perubahan Rupa dan memberikan kuasanya kepada Petrus, Yakobus, dan Yohanes. Elia muncul lagi dengan Musa dan orang lain pada 3 April, 1836, di Bait Suci Kirtland dan memberikan kunci-kunci yang sama kepada Joseph Smith dan Oliver Cowdery.

Tulisan suci memberitahu bahawa nabi Elia berdiri di depan Joseph dan Oliver dan mengatakan:

“Lihatlah, waktunya telah sepenuhnya datang, seperti yang diucapkan oleh mulut Maleakhi—bersaksi bahawa dia [Elia] akan diutus sebelum hari Tuhan yang besar dan mengerikan datang—

“Untuk membalikkan hati para ayah kepada anak-anak, anak-anak kepada para ayah, jangan sampai seluruh bumi didera dengan sebuah kutukan—

“Kerana itu, kunci-kunci tentang zaman ini diserahkan ke dalam tanganmu; dan dengan ini kamu dapat mengetahui bahawa hari Tuhan yang besar dan mengerikan telah dekat, bahkan di ambang pintu.”

Pemulihan kuasa pemeteraian oleh Elia pada tahun 1836 adalah perlu untuk mempersiapkan dunia untuk Kedatangan Kedua Juruselamat dan memulakan minat yang lebih besar di seluruh dunia akan penyelidikan sejarah keluarga.

### Roh dan Pekerjaan Elia

Nabi Joseph Smith mengisytiharkan: “Tanggungjawab yang terbesar di dunia ini yang telah Tuhan berikan kita adalah untuk mencari orang-orang kita yang telah mati...Kerana adalah perlu bahawa kuasa pemeteraian harus di tangan kita untuk meteraikan anak-anak kita dan orang kita yang telah mati untuk zaman kegenapan keagamaan—satu zaman untuk memenuhi janji-janji yang dibuat oleh Yesus Kristus sebelum pendirian dunia untuk penyelamatan manusia...Oleh itu, Tuhan mengatakan, ‘Aku akan mengutus Elia kepadamu.’”

Joseph melanjutkan, “Tapi apakah tujuan [kedatangan Elia]? atau bagaimana kedatangannya dipenuhi? Kunci-kunci akan diberikan, roh Elia akan datang, Injil akan ditegakkan, para Orang Suci Tuhan akan berkumpul, Sion akan didirikan, dan para Orang Suci akan datang sebagai para penyelamat di Gunung Sion.

“Tetapi bagaimana mereka akan menjadi para penyelamat di Gunung Sion? Dengan membina bait-bait suci...dan tampil dan terima semua tata cara-tata cara injil...bagi pihak semua nenak moyang mereka yang telah meninggal...; dan inilah rantai yang mengikat hati bapa-bapa kepada anak-anak, dan hati anak-anak kepada bapa-bapa.”

Elder Russell M. Nelson telah mengajar bahawa Roh Elia merupakan “manifestasi Roh Kudus memberikan kesaksian tentang watak keluarga yang ilahi.” Pengaruh Roh Kudus yang tersendiri ini menggalakkan orang untuk mengenal pasti, mendokumenkan, dan menghargai para nenak moyang dan ahli keluarga mereka—baik mereka yang telah meninggal mahupun mereka yang masih hidup.

Roh Elia mempengaruhi orang baik yang ahli gereja mahupun yang bukan ahli gereja. Tetapi, sebagai ahli-ahli Gereja Kristus yang dipulihkan, kita mempunyai tanggungjawab perjanjian untuk mencari nenak moyang kita dan memberikan mereka tata cara-tata cara injil yang menyelamatkan. “Tanpa kita mereka tidak dapat sampai kepada kesempurnaan.” Dan “begitu pula kita tanpa orang-orang kita yang telah mati tidak dapat dijanjikan sempurna.”

Untuk sebab-sebab ini kita melakukan penyelidikan sejarah keluarga, membina bait-bait suci, dan melakukan tata cara-tata cara injil untuk orang mati. Untuk sebab-sebab ini Elia diutus untuk memulihkan kuasa pemeteraian yang mengikat di bumi dan di syurga. Kita merupakan ejen-ejen Tuhan dalam pekerjaan penyelamatan dan kemuliaan yang

akan menghalang “seluruh bumi [dari] didera dengan sebuah kutukan” bila Dia balik lagi. Inilah tugas dan berkat kita yang besar.

### Jemputan kepada Generasi Membangun

Sekarang saya menjemput perhatian para remaja puteri dan remaja putera dan anak-anak generasi membangun ketika saya menekankan kepentingan Roh Elia dalam kehidupan kamu kini. Mesej saya dicadangkan untuk seluruh Gereja pada amnya—tetapi terutamanya untuk kamu.

Ramai antara kamu mungkin fikir pekerjaan sejarah keluarga patut dilakukan terutamanya oleh orang tua-tua. Tapi saya tahu tidak ada had umur dalam tulisan suci atau garis-garis panduan yang diumumkan oleh para pemimpin Gereja yang menghadkan pelayanan yang penting ini kepada dewasa saja. Kamu adalah anak-anak Tuhan, anak-anak perjanjian, dan para pembina kerajaan Tuhan. Kamu tidak perlu tunggu sampai kamu sudah berumur untuk memenuhi tanggungjawab kamu untuk membantu dalam pekerjaan penyelamatan untuk keluarga manusia.

Tuhan telah sediakan pada zama kita sumber-sumber yang sungguh baik yang membolehkan kamu untuk belajar dan mengasihi pekerjaan ini yang digalakkan oleh Roh Elia. Contohnya, FamilySearch merupakan sebuah koleksi rekod-rekod, sumber-sumber, dan perkhidmatan yang boleh dimasuki dengan mudah dengan komputer peribadi dan banyak alat bimit, yang telah direka untuk membantu orang menemui dan mendokumenkan sejarah keluarga mereka. Sumber-sumber ini juga ada di pusat-pusat sejarah keluarga di banyak bangunan Gereja di seluruh dunia.

Ini bukan kebetulan bahawa FamilySearch dan alat-alat yang lain ada wujud pada masa bila orang muda adalah begitu biasa dengan banyak maklumat dan teknologi komunikasi. Kamu telah belajar untuk hantar sms dan tweet, untuk mempercepatkan dan memajukan pekerjaan Tuhan—bukan saja untuk berkomunikasi secara cepat dengan kawan-kawan kamu. Kemahiran dan kebolehan yang ada antara ramai remaja kini merupakan sebuah persiapan untuk memberikan kepada pekerjaan penyelamatan.

Saya menjemput para remaja Gereja untuk belajar dan mengalami Roh Elia. Saya menggalakkan kamu untuk mempelajari, mencari nenek moyang kamu, dan mempersiapkan diri kamu untuk melakukan pembaptisan untuk orang mati di rumah Tuhan untuk keluarga kamu dan nenek moyang kamu yang telah meninggal. Dan saya menggesa kamu supaya membantu orang lain mengel pasti sejarah keluarga mereka.

Ketika kamu membalas dengan iman kepada jemputan ini, hati kamu akan berbalik kepada bapa-bapa. Janji-janji yang dibuat dengan Abraham, Ishak, dan Yakub akan

ditanamkan dalam hati kamu. Berkat bapa bangsa kamu, dengan perisytiharan nasabnya, akan mengaitkan kamu kepada bapa-bapa ini dan menjadi lebih bermakna bagi kamu. Kasih dan kesyukuran kamu untuk nenek moyang kamu akan bertambah. Kesaksian kamu dan penukaran hati kamu kepada Juruselamat akan menjadi mendalam dan akan bertahan. Dan saya berjanji kamu akan dilindungi dari pengaruh musuh yang kuat. Ketika kamu menyertai dan mengasihi pekerjaan yang suci ini, kamu akan dilindungi dalam masa mudamu dan seumur hidupmu.

Para ibu bapa dan para pemimpin, tolong membantu anak-anak kamu dan para remaja kamu untuk belajar dan mengalami Roh Elia. Tapi janganlah terlalu tegas atau memberi terlalu banyak maklumat atau latihan. Jemputlah para remaja untuk menyelidiki, membuat uji kaji, dan belajar sendiri. Mana-mana remaja dapat melakukan apa yang saya cadangkan dengan menggunakan aktiviti-aktiviti yang ada di [lds.org/familyhistoryyouth](http://lds.org/familyhistoryyouth). Presidensi-presidensi Imamat Harun dan remaja puteri dapat menjadi bahagian penting dalam membantu semua remaja dibiasakan dengan sumber-sumber yang mudah ini. Para remaja perlu menjadi pelajar-pelajar yang bertindak dan bukan pelajar-pelajar yang pasif yang selalunya diperlakukan.

Para ibu bapa dan pemimpin remaja, kamu akan kagum dengan berapa cepat anak-anak kamu dan para remaja Gereja menjadi mahir dengan alat-alat ini. Sebenarnya, kamu akan belajar pelajaran-pelajaran yang berharga dari para remaja ini mengenai penggunaan sumber-sumber ini dengan efektif. Para remaja boleh memberi banyak bantuan kepada orang yang lebih tua yang tidak biasa dengan teknologi atau FamilySearch. Kamu juga akan menghitung berkat-berkat kamu ketika para remaja memberikan lebih masa untuk pekerjaan sejarah keluarga dan pelayanan bait suci, dan memberikan kurang masa untuk permainan video, melayari Internet, dan main Facebook.

Troy Jackson, Jaren Hope, dan Andrew Allan merupakan para pemegang Imamat Harun yang dipanggil oleh seorang uskup yang berinspirasi untuk mengajar bersama kelas sejarah keluarga dalam bahagian mereka. Para remaja putera ini merupai begitu banyak antara kamu dalam keterujaan mereka untuk belajar dan keinginan untuk melayani.

Troy mengatakan, “Dahulu saya datang ke gereja dan duduk saja, tapi sekarang saya menyedari bahawa saya perlu balik rumah dan melakukan sesuatu. Kita semua dapat melakukan sejarah keluarga.”

Jaren berkata bahawa ketika dia belajar lebih tentang sejarah keluarga dia menyedari “bahawa nama-nama ini bukan saja nama-nama tetapi orang-orang yang sebenar. Saya menjadi semakin teruja untuk mengambil nama-nama itu ke bait suci.”

Dan Andrew mengatakan, “Saya telah menjadi berminat dengan sejarah keluarga dengan kasih dan semangat yang sebelumnya saya tidak sedari saya dapat mempunyainya. Ketika saya bersedia mengajar setiap minggu, saya kerap kali diilhami oleh Roh Kudus untuk bertindak dan cuba beberapa kaedah yang diajar dalam pelajaran. Dahulu, sejarah keluarga menakut-nakutkan saya. Tapi dengan bantuan Roh saya dapat memenuhi panggilan saya dan membantu ramai orang dalam bahagian kami.”

Saudara-saudari saya yang muda, sejarah keluarga bukan saja program yang menarik atau aktiviti yang ditaja oleh Gereja; ia adalah bahagian yang amat penting dalam pekerjaan penyelamatan dan kemuliaan. Kamu telah dipersiapkan untuk zaman ini dan untuk membina kerajaan Tuhan. Kamu berada di sini di bumi sekarang untuk membantu dalam pekerjaan yang indah ini.

Saya bersaksi Elia telah balik ke bumi dan memulihkan kuasa pemeeteraian yang suci. Saya bersaksi bahawa apa yang diikat di bumi boleh diikat di syurga. Dan saya tahu para remaja generasi membangun merupakan bahagian yang amat penting dalam pekerjaan yang besar ini. Saya bersaksi dalam nama suci Tuhan Yesus Kristus, amin.